

DHL ATENCION COMERCIANTENAN: **Aircargo SPECIAL: PANAMA ➡ ARUBA \$1.10kg**

Now **DAILY** Boeing 737 DHL Aircargo service into Aruba! Overnight flight and next business day airport delivery into Aruba. Rate valid for a limited time only from June 25-July 3, 2018. Applies to fruits, vegetables, clothing and electronics. Min.25 - Max 300KG per Airway Bill. Restrictions may apply. Probecha pa manda bo carga for di PANAMA, grandi y chikito!

DHL-ARUBA: Wayaca 45
Request promo rate shipment here:
PANAMA@DHL-Aruba.com
-- Tel: 523-7922 --

Inversionistanan ta mustrando hopi interes pa inverti den San Nicolas

ORANJESTAD (AAN)


-- E hecho cu Gobierno di Aruba ta para tras di e Proyecto pa realiza un Fast Ferry na San Nicolas, ta creando hopi expectativa den e sector comercial. Hopi inversionista ta expresando nan interes pa bin establece nan negoshi aki na Aruba tambe, y esey ta pa motibo di e facilidad di transporte cu Fast Ferry lo trece cun'e. E 'spin off effect' cu e proyecto aki ta bay tin ta grandi y lo beneficia, no solamente e sector turistico di nos isla, pero tambe lo fortalece nos lazonan comercial cu Corsou y Boneiro.

"Djies door di tende cu tin



un proyecto y cu Gobierno ta para su tras, bo ta sinti cu e inversionistanan ey'fo caba ta cuminsa wak unda nan por inverti P'ariba di Brug", tabata palabranan di e titular di Transporte.

Expertonan ta conseha pa Aruba cuminsa diversifica su atractivo turistico. Minister Romero ta kere firmemente cu e desaroyo cu lo bin hunto cu e proyecto di Fast Ferry lo



crea un atractivo turistico nobo na San Nicolas mes, cual lo haci cu e turistanan lo kier keda P'ariba di brug y asina contribui na su economia. Esaki tambe ta un atractivo comercial cu inversionistanan a cuminsa mira caba cu e proyecto caba, y a cuminsa vocifera nan interes pa forma parti di e construccion di e economia nobo pa San Nicolas.

San Nicolas Business Association tin plannan

concreto pa e desaroyo y embejecimento pa San Nicolas por bira finalmente e atractivo turistico cu semper e mester tabata ta. Gobierno ta comprometi pa duna San Nicolas Business Association e apoyo necesario y cu nan ta rekeri pa asina por duna San Nicolas un aire fresco cu un economia stabil y asina cuminsa trece e prosperidad cu P'ariba di brug merece.